

AMIGU di ARUBA

"Ora berdad ta en marcha no tin nada pa deten'e"

EMILE ZOLA

SEMANARIO PA ANTILLAS NEERLANDES

IMPRESOR Y REDACTOR: Amador P. Nita

Editora: "CASA EDITORIAL EMILE"
Administracion Aruba

Noord Rozendaal 9 Curacao
Pitastraat 44, Oranjestad

Anno 11 No. 376

4 NOVEMBER 1934



OPENBARE LEESZAAL EN BOEKERIJ
ARUBA

Pater Visman en de Amigu di Aruba

De bibliothecaris verzoekt zijn opvoering in de komende eeuwen dit boek permanent buiten de algemene circulatie te houden en voor studie-doelinden te bewaren. Het vormt een bron, welke voor historici, economen, schrijvers en anderen later van belang kan zijn.

M. N. de CUBA
Wvd. Bibliothecaris



Pader Visman y A



QUIENDE A MATA ELINE LEGITO ?

"Mañan ta 29 di October.....
mañan ta net un luna qu nan a co-
he Rosie haci asina cun'e."

Esaquinan ta palabra di e
senjora, cerca quende e senjorita
di 13 anja tabata.

Riba e dia fatal aqui, esposo di
e senjora a haya e mucha-muher a-
qui drumi den cura.

"E hendenan qu sa bin hunga domi-
no aqui a caba di bay y semper
promer mi cerra, mi ta controla qu
tur cos ta na orden."

E anciano aqui a papia cu tur
tranquilidad y riba nos pregunta
el a sigui conta:

"M'a queda stranjo di a weta e
mucha qu nos ta yama Rosie drumi
abou den cura; ta quico esaqui?
Esta mal mucha, weta unda ela bin
cay-drumi. Mi a purba lant'e na su
man, pero e moda qu e man a cay a
duda mi y mi a spierta mi senjora
y nos yui-muher, quendenan ya ta-
bata durmiendo."

"Rosie, ta com ta ta drumi aqui-
bou; mucha lanta-ban paden."

Bisando asina, mi senjora a purba
ranc'e, queriendo qu e mucha-mu-
her tabata den un sonjo profundo.
Pero no. Rosie no tabata na sonjo;
su curpa tabata frieuw y stijf y
vruminganan a yena cu cura."

Un ansha, sus'...un spantu
terribel a podera di nos tur y
ni un di nos, ni ami, ni mi sen-
jora, ni nos yui muher, no tabatin
e animo pa subi trapi y yama na
telefoon. Pa un momento nos tur
tabata confundi, manera tres hen-
de loco; tur cos y tur numero ta
bata bira nos dilanti."

Aqui mi lektor por mira com e
principio di e mucha-muher Eline
Legito su morto a ser descubri.
Ainda polisnan no a logra di ha-
ya e asesino y e crimen aqui ta
envolví den misterio.

E cuerpo di recherche qu ta
encarga cu investigacion di e
crimennan ta suheto di criticanan
sin consideracion.

Pueblo y hasta esnan intelectual
ta di opinion, qu nos cuerpo di
Recherche ta incapacitá pa solu-
cioná crimennan di tañ especie.

Den e dianan aqui, tur caminda
bo por tende com pueblo ta desa-
proba e forma qu recherchenan ta
yega na sa hopi cas, pero no qu
nan mes ta haci esfuerzo pa solu-
cioná un caso. Asina es, qu e ca-
so di Eline Legito ta proba qu e
cuerpo aqui, mester di un reorga-
nizacion completo!

PIET'S SODA FOUNTAIN!

Pa hopi añanan caba esaqui ta bo refresqueria pa tur
clase di pasa-boca. Sin duda na PIET'S SODA
FOUNTAIN bo ta haya tur clase di LIMONDADE,
BOLO, ICE-CREAM, LECHI FRESCU, CHOCOMEL,
y tur sorto di bals y mangel.

EMAN TRADING CO.

PA BO VIAHENAN CU VAPOR O CU AVION
CERCA NOS BO TA HAYA E CONSEHONAN
NECESARIO

Agente general pa K.L.M.

Agente: P.A.A.

;Grace Line Inc., Alcoa Steamship Co. Inc.

Haci nos un bishita na: Edificio di Aruba Bank y
yama Tel. : 1156 - 1552 - 1554 o yama nos "Oficina di
Viaje" na San Nicolaas. Tel. 5054 - 5055.

-AMIGU DI ARUBA-

Si, mester reorganizacion comple-
tu den ceno di nos cuerpo di recher-
che qu ta bas'e mas parti riba "TIP".

Anto si e "tip" aqui no ta correc-
to tur e investigacion tambe a fra-
casa, por completo.

Nos poblacion qu dia pa dia ta au-
mentando mester di rechenan qu
no solamente conoce den pueblo, pero
mas bien di polisnan qu tin interes
especial pa nan ramo di trabou.

E asunto di spion ta anticua, una-
bez qu hopi biaha e criminal por ta
un persona o personanan intelegente
y cu mas capacidad cu e recherche qu
ta investigando e caso. E taktica
bieb qu ta ser uza general y ante-
riormente, mester ser cambia pa meto-
donan nobo y moderno. Ta imposible,
qu tur criminal por ser desenmasca-
ra cu e mes un taktica di "tip" y
"strikvragen". Hopi polis y tambe al-
gun qu tabata den e departamento di
recherche pa hopi anja y qu ta go-
zando di nan "pensioen" a bisa nos
qu e caso di Eline Legito a ser a-
tende robez for di e promer anochi.

Hopi qu a presencia e actonan na
e lugaf di crimen ta bisa, qu e ano-
chi ey na promer momento, polisnan
esta esnan qu a yega promer no a tu-
ma suficiente medidanan di precau-
cion y e posible marcanan qu por a
ser descubri a desaparece. Polisnan
a permiti hopi hende, tantu djafor
como djaden camna bay-bini sifuera
qu no ta nada a pasa y pesey hopi
detayes a queda den tinienla.

HOPI HENDE, ESPECIALMENTE ESNAN QU
A TRAHA HOPI ANJA DEN E TRABOU AQUI
TA DI OPINION, QU MANO DI AUTORIDAD
E ANOCHI AQUI NO TABATA SUFICIENTE
FUERTE.

Y quico e homber y muhernan di
pueblo ta bisa, na promer lugar ?

"Ay mar'e ta nos pober, si ta nos
nan l'a lastra hinter familia hiba
warda y hasta suta nos pa papia."

Tur hende ta opiná qu recherche-
nan no a turja suficiente medida,
debí qu ta trata di hendenan di
sociedad.

Pueblo ta opiná, qu e mes un a-
nochi, sea den cualquier forma
mester a eherce un presión maxima
riba e familia cerca quende e mu-
cha-muher tabata. Tambe tur hende-
nan qu tabata presente na wega di
domino mester a queda detené e mes
un anochi, te contra mainta.

Nos ta di opinion qu esaki ta-
bata necesario e anochi ey, y qu

proceder policial mester tabata
di mas rigor, pa cu esnan rela-
cioná cu e asesinada.

Recherche, despues di no a lo-
gra nada e anochi ey, algun dia
despues a decidi di arrestá un
cierto Francisco Alberto qu nan
a haya para ey banda.

Riba qui basé y pa qui motibe
autoridad tabata sospecha Alber-
to?

Alberto a ser mirá den compania
di e mucha-muher asesina?

Alberto, pa polisnan ta conocí
como un di e hombernan qu sa gusta
relacioná cu mucha-muherman
chiquitu?

Si e preguntanan arriba no por
ser contesta afirmativamente, an-
detención di Francisco Alberto
no tabatin ningun fundamento.

Es decir, e momento qu recher-
chenan a detene Alberto, nan no
tabatin suficiente motibunan.

TA STIPULA DEN CRIMINOLOGIA,
QU E ASESINO LO BOLBE PA E LUGAR
DI CRIMEN!

Y COMO CRIMINOLOGIA TA SINJA E-
SEY, E PROMER HOMBER QU BAY PARA
EY BANDA TA E CRIMINAL QU A BOLBE
N'E LUGAR CAMINDA EL A COMETE SU
FECHORIANAN.

Suponcionnan asina y den tal
grado ta ridiculo. Acaso un asesi-
no profesional y endurecé den
maldad ta regresá n'e lugar di e
crimen?

Esaqui ta teorinan di siglo
pasá.

Y DEN NINGUN ESTADO DECENTE Y
DI DERECHO, MODERNO, CU UN CUERPO
DI RECHERCHE CAPAZ, AUTORIDAD TA
DETENE UN CUIDADANO A BASE DI TAL
TEORIA.

Ora nos leza historia di Fran-
cisco Alberto, com el a ser dete-
né, autoridad mester realiza qu e
systema di "hunga recherche" na
por sigui."

Nos ta biba den un estado di
derecho y nos ta di opinion, qu
den casonan ta serio asina, e po-
lisnan (recherche) mester tin prue-
banan concreto pa yega na detencion
di un cuidadano, aunque ta pa in-
vestigación.

Un asesinato manera di Eline Le-
gito ta un caso serio y detención
di un persona sospechá di a cometé
tal crimen tambe ta un asunto serio.

CARACASBAAI STORE

Esaqui ta bo negoshi pa tur sorto di articulonan di construccion.

Aqui bo por compra na prijs di situacion:

ETERNIET, PALU, CEMENT etc.

Haci un bishita na:

CARACASBAAI STORE y
Angel Haseth ta cla pa juda bo.

CARACASBAAIWEG CURACAO.

(continuacion)

QUENDE A MATA ELINE.....

Awor bolbiendo riba nos tema, ta queda na cuerpo di recherche di contesta e pregunta aqui:

QUENDE A MATA ELINE LEGITO?

E senora cerca quende e muchamuhér tabata ta declara qu nunca, está desde qu Rosie ta cerca dje, e no sa laga Rosie bay ningun parti e sol.

E atardi fatal, Rosie manera e senjora ta yam'e a pidi'e pa e bay cerca su tata, quende ta "Watchman" na Colon.

E senjora ta bisa: "Mi tabata na stoof y destraida; mi no a paga atencion qui direccion Rosie a tuma; mi no sa quico a haci mi permiti'e bay.

Mi no sa berdad pasobra, semper m'a preferá di tabatin Rosie banda di mi den auto."

Di bez en cuando e senjora tabata hala rosea desesperá y bisa:

"Ay, quen'por a haci un cos asina cu e mucha!"

E senjora ta sigui bisa:

"Rosie tabata mi companjo y mi tabata pasa pret cun'e. Den anochi ora mi spierta, Rosie tambe qu m'a quere ta drumi ta lamta bisando; "Qui falta Shon Lina?"

Ta malu Shon Lina ta sinti? Laga mi hala Shon Lina su brazo."

"Si, nos tabata pasa pret cu e mucha Rosie; na principio mi tabata castig'e pasobra e tabatin e mania di quita cosnan for di nan lugar; loque ta cos di come ta sconde mi mester sconde nan p'e; e tabata come nan sin necesidad, masque e no tabata come nan; mi a costumbra hopi dia caba cu tur e cosnan asina di Rosie, pesey mi a stop di castig'e."

"E atardi fatal ey, asina nos a nota qu Rosie a tarda y qu a bira scur, nos a sali pa Colon. E kasita (keet) unda e tata tabata drumi ta-

bata bendona y su auto no tabat'ey Sigun nos tabata pita a sali un otro wathman y esaqui a bisa nos, qu e no a mira e mucha qu nos tabata busca ni su tata.

Mi a baha, bati na porta di e (keet) gritando:

"Amabel! Amabel!"

Pero ningun hende a contesta!

Nos a quere qu Rosie tabata den compania di su tata pasobra esaqui a yega di bisa qu lo e big busose un dia pa bay cerca e familianan. Pesey despues qu nos no a hayé den Colon nos a bay cas numa."

Riba e hisyoria aqui un di e recherchenan a puntra e senjora:

"Anto qui ora b'a haya Rosie?" Mes ora e senjora a comprende qu esaqui tabata un strikvraag pa cohé den un trampa.

E ta sigui).

BOTICA COLON

Ora bo ta na COLON SUPERMARKET y qu bo tin mester di remedi, laga traha recept, awa pa laba cas, sencia di tur sorto,

BOTICA COLON ta na bo orden.

Bishita: BOTICA COLON, na Colon!

BIDA DI MARTIN LUTERO

Sin duda e dia 'qui tabata un gran dia pa humanidad. Den tempu di Lutero, Iglesia Romana a sucumbi den corrupcion y e principian di Iglesia tabata den gran error.

Interpretacion di Santa Escritura tabata fatal y na antojo di preladonan sin inspiracion.

Martin Lutero den combente di Wurtemberg tabata un simple monja (monnik) pero un gran Teologo. Den su escrituranan el a censura hopi errornan.

Historia ta sinja nos, qu den un pueblo yama Mora, di Alemania pa hopi siglo a biba un familia di apellido Lutero.

Den e comarca (pueblo) ey e costumbre tabata qu e yui di promé ta heredá e terrenonan y cas di su tata y e tronon mester bay otro parti bay busca nan poverenir.

Un di e yuinan aqui, Juan Lutero casá di Margarita Lindeman a bay na e pueblo di Eisleben na Sajonia, caminda Margarita a duna luz na un yui homber 10 di November 1483, un ora promer qu mei-anochi.

QUENDE A MATA ELINE.....

continuacion pag 2)

Awe ta Alberto, manan ta Francisco, ningun di dos no ta representá nada den sociedad, pero tur dos ta cuidadano di un estado ya ma Koninkrijk der Nederlanden, di cual Antillas Neerlandes ta forma parti:

Den nan boeki "Beknopt overzicht vav de Nederlands Antilliaanse strafvordering Mr.W.R.Boom anterior Procurador-generaal di Antillas y Mr.A.J.Ph de Haseth Moller ta bisa na pagina 20:

"PA LEY TUR HENDE TA IGUAL."

Esaqui hopi bez, nos qu ta tene cuenta solamente cu e grandeza di sociedad ta lubidá.

Si tabata un perteneciente na e gruponan pudiente.....si Francisco Alberto tabata un otro Francisco, l'e l'a ser detené riba e speranza qu e mes lo confesá su culpa?

Nos ta meen, qu ora un polis (recherche) conduci un sospechoso dilanti di su superior (officier) of hulp-officier, e polis aqui mester tin algun prueba.

Den un pais moderno manera Corsow un polis, no mester por bisa su superior:

"E terció aqui tabata "hung-around aya banda y m'a trecé pa weta quico e sa dje mucha....."

Articulo 35 Sv. ta describí condición di e sospechoso cu hopi claridad y pruebanan, obhoptonan qu ta pone sospecho cay riba un individuo.

Nos pais ta mashá ilustrá y den 40 anja di tempu nos a avanzá inmensamente. Nos cuerpo policial ta cooperá hasta cu Interpol y

toch den pueblo nos ta tende di polisnan qu ta consultá "Miradornan di carta" y "Hacidor di Brúa."

Pero pa nos esey ta algu normal. Historia a mustra nos qu hopi Reynan grandi tabata supersticioso.

Bero den tur investigaciônnan di casonan criminal nos a weta, qu ta habilidad y conocementu di e "recherche" a trece desicion final.

Tin algu qu mester ser eliminá promer nos yega na un bon cuerpo loque mester ser eliminá ta e sistema bieuw. E meneernan qu a cumizá traha como rechercheur aqui, tabata polisnan qu a bini como

"soldaat" o "Bregadier" na Antillas.

Den un "colonia" tur cos ta basá riba symoatia y hopi qu antes nos a conoce como "Bregadier" a bira "rechercheur", pero si esquinan tabata capaz, ta un otro pregunta.

E systema di colonia nunca a busca talento!

Na Antillas un persona ta haya e oportunidad di bira "rechercheur" sin tuma un estudio especial den e ramo aqui. E "opleiding" existente no ta adecuado.

Hopi ta ser mantene den e trabou base di sympatia y ora no tin talento, constantemente nan mes tin di experimenta fracaso.

Mester caba cu e systema di "kruiwagwn"!

Si den straatdienst tin polisnan qu tin talento pa rechercheur, laga esaqui haya e oportunidad, aunque chef su simpatia ta corresponde na otro.

(Lesa pag 4.)

Acme Store

JOSE L. TRAPPENBERG

Ta ofrece publico en general tur clase di articulonan pa cas:
SET di WEA pa Cushina, TAPIJT, articulonan di PLASTIC, GLAS y di pronk y aparatonan electrico.

Pasa na: **ACME STORE**

San Nicolas

Tel. 5381

J. E. P. CABENDA

Oranjestad

Tel. 1539

PA TUR ARTICULONAN DI

DEPORTE EN GENERAL

HACI NOS UN BISHITA

Juan tabata cortador di palu y su esposa hopi bez tabata yud'e carga,.

Sin duda Martin qu tabata chiquitu tambe sa yuda.

Situacion a drecha pa Juan y el a cumpra dos fundicion cu a propocioné mas facilidad, Juan sa invita hombernan di Iglesia y profesornan pa come cerca dje na cas.

Sin duda Martin a desea un dia di bira un profesor, mirando e respeto qu su tata tabata paga n'e bishitanan.

Hopi biaha su tata a castiga Martin seriamente y despues qu el a bira grandi Martin a bisa:

"Mi mayornan a trata mi cu hopi dureza y a haci mi timido; un biaha mi mama a dal mi pasobra mi a cohe un nechi, qu sanger a basha;

Ta necesario, Martin a bisa, pa castiga mucha, pero na e barra qu ta suta nan mester cologa un appel.

(E ta sigui.)

SITUACION DEN ANTILLAS.

Si nos bisa, qu Antillas Neerlandes ta bayendo dilanti, nos ta equivocá nos mes y haci ilusion.

Situación di nos Islanan ta fatal.

Esaan qu t'ey ainda por come pero quico lo para di esnan qu lo bini?

Pero esey no ta importá, Antillas ta di nos djawe, esnan di mañan no tin mester di nada.

Nos ta quere qu asina e generacion aqui ta pensa unicamente riba nos mes.

Cumizá for di Su Excelencia Gobernador como tal, nos ta weta qu e mandatario aqui mester pensa unicamente den su posesion como representante di corona.

Nos . . . quier sa quico Su Excelencia ta pensa di e multitud grandi, e muchanan qu ta bin duna aubade anja di La Reina.

Solamente e gran honor qu e ta recibí como organo di Su Mahestad.

Antes, hasta Reynan por a averigua personalmente quico su pueblo falta y ordená pa drecha situacion den e barrionan di miseria.

Su Excelencia gobernador no tin mester di pensa riba miseria di nos pueblo su situacion.

E ta mará na un constitución qu ta regulá su preocupacion.

En realidad, un gobernador di Antillas Neerlandes no sabi, ni no por intervení den asuntonan diario.

Cu tur orguyo nos ta venerá un di nos mes hendenan como gobernador.

Quico un gobernador por bisa, qu el a haci pa pueblo despues di su temporada?

Den nos concepto masha poco pa-sobra el a sirbi mas bien interes-nan grandi, di Reinado, monopolio-nan etc.

Awendia ta poco biaha un hende por pidi audiencia cerca gobernador, siendo qu mayoria potencia gubernal ta den man di ministronan.

Asina es, qu den e esfera qu e mandatario aqui a biba, e tabatin mashá poco di haci cu pueblo.

Tin un grupo, qu e masa ta interesanan, unicamente pa alza nan y sostené nan sintimentunan di grandeza.

Den e conceptonan aqui Antiyas a bay atras.

Nos a quere, qu ora un yui di tera promové, lo e sigui contribui den adelanto di su pais.

No, cada un qu subi a zorg pa nan mes y e gran obra di reforma y adelanto di pueblo a queda pará.

Riba e mes dia qu esaqui a promové tur contacto cu pueblo a que-interrumpí.

Den e relacion aqui nos ta mira com for di 1954, cu hayamento di autonomia a cumiza progreso di gruponan.

Comercio qu un capital a credito a modernizá.

A bini mas nrgoshi di exterior, pero pueblo si a queda hipoteca, un cantidad di su yuinan sin trabou.

Antiyas ta dividí entre Land y Eiland!

Quico lo queda di esnan qu lo bini des des?

No mayornan a corda unicamente riba nan sol.....nos ta biba den un tempu iguala cu esun di Noah y e diluvio qu ta bini, no ta interes sa es qu ta den gozo y diversion!

Situacion den Antillas Neerlandes ta fatalisimo y quizas hopi lo tin bida pa leza quico esnan qu lo tin poder cu cambio di tempu lo skirbi.

Sin duda escritornan lo conclui qu ta avaricia di mandatarionan autonomo a pone Antillas Neerlandes den tal situacion!

DEN POBREZA

Manera castigá pa maldishon,
Intranquil y molestiá;
Manera un grupo di carné anshá,
Cincu criatura tur sunú
A rek nan curpa riba suela.

Un lampi kerozin ta lumina,
Tembloroso, pa bientu tormentá,
Saca secretonan di scuridad....
Di miseria, di tristeza, di po-
breza.

Si den silencio un yoramentu,
Un gritu mahoso y misterioso
Ta dunabo calafrieu,
Ta pasobra e suela duru
Ta causa pesediyanan,
Ta pasobra sanguranan burachi
Ta canta y bebe sin misericor-
dia;
Ta pasobra e stomanan chiqui
Ta pidi awa, un pida funchi,
Un pida pan djayera,

(Y den e otro camber chiqui
Tata y mama riba un cama primi,
Ta provecha den sufrimentu,
Den algun ora di libertad,
Un poco di descanso,
Un poco di speranza.)

Cuantu mainta mas nan lo spier-
ta,
Nan curpa di mucha ya cansá?
Cuantu mainta mas nan lo spier-
ta
Brogonsá pa zumbinan den scu-
ridad?
Cuantu tempu mas lo'n dura,
Tantu miseria,
Tantu tristeza,
Tantu pobreza.

pa E.A. DE JONGH

we quietud.

QUICO BROERDER ZOENTJES, DE MUG
Y MICKLINGHOFF TA QUERE?

Un amigu di nos PAULUS-DRUKKERIJ
a propone pa yega na un arreglo.

Sr. Zoentjes cu De Mug ta dispues-
to pa nos yega na un arreglo,
pero bou di condicion qu nos mes-
ter hala tur loque nos a bisa di
Obispado.

E hendenan aqui su cabez no ta
traha normal.

E cos qu yama perdon ta anticua
y a bay for di mada.

ta bonnan ridiculo qu no
ta paz mas pa e tempu aqui.

Al contrario si tin di pidi per-
don publicamente ta nan mes qu a
poderá di un nomber qu no ta per-
tenece na nan!

Nos ta persisti den tur loque nos
a publica den pasado.

Nos ta considera qu ningun hende,
ni instancia tin derecho di inpo-
né nos nan voluntad.

Broerder Zoentjes y consorte ta
seres mortal y un dia nan tambe
mester ser confia na terra, i-
gual cu nos.

Na mundu nan por tin un papel di
mas fuerte pero nan carni tambe
lo sucumbi bou pesonan di morto

DE VREZE Y WATERLEIDING.

Nos por bisa quico qu nos quier,
pero e elementonan colonial a
cria un raiz enorme den terra di
e Islanan aqui. Masque cuantu di-
putado un Isla tin, ta un cierto
meneer ta ehecutá e reglamentonan
di ultrahe; an di e meneer nan

aqui ta un tal De Vreze na Depar-
tamento di Waterleiding na Corsow.

"Meneer b'a paga bo recibo di Ju-
ni cu Juli?"

"No, Juni sol."

"Wel, mi mester quita bo meter."

Hotel San Pedro

Bo ta bajendo cu vacacion pa Aruba ?

B'a pensa caba unda y na cual Hotel bo ta bai baha ?

Hotel SAN PEDRO ta ofrece bo tur facilidadnan
qu un turista ta exige ... cuartunan bon, grandi y
comodo cu bista riba e bunita panorama di caya
grandi.

No lubida:

HOTEL SAN PEDRO

Steenweg 10, Oranjestad - Aruba
Prop. Maria Pieters

PHOTO STUDIO CARIBE

Nassastraat 49 A — Tel. 2509 O'Stad

Pa un bunita portret den tur ocasion

Laba film di Portretnan qu bo mes saca ...

PHOTO STUDIO CARIBE

Portrait Photography

Photo finishing

B. v.d. Veen Zeppveldtstraat 5
San Nicolas
ARUBA

Tel. 5636